

Kereyti
ya **1**

Buka e kgolo ya dipalenyana



basic education

Department:
Basic Education
REPUBLIC OF SOUTH AFRICA



SESOTHO

5

Buka

Tsela ya ho sebedisa Buka e Kgolo ena:



Dipale tse bukeng ena:



1 Ben o fumana motswalle e motjha



2 Kamoo qwaha e fumaneng metsero kateng

1

13

Ho itokisetsa nako ya palo e kopanetsweng

- Netefatsa hore bana bohole ba bona buka. Ha sehlopha sa hao se le seholo, sebetsa le seholotshwana se senyenane.
- Ho tla thusa ho emisa buka hore o se e tshware ha o ntse o bala. (Bona ditaelo tsa ho emisa buka khabareng e kamorao.)
- Sebedisa rula kapa thupa ho latella mantswe ha o ntse o bala.
- Ha o batla ho bonahatsa mantswe a kgethehileng, o ka sebedisa disitiki nota pela lenseswe ho le bonahatsa, kapa wa iketsetsa fensetere ya mejiki'. Sebedisa pampiri e kgutlonne mme e nyenane e kgutlonne e sehwemahareng a e kgolo. Nka e kgolo mme o e behe sengolweng hore ho bonahale lenseswe le le leng feela.

Mokgahlelo wa pele wa palo e kopanetsweng

Mokgahlelo wa pele o tadihana le ho natefelwa le 'tadimo' ya pele ya sengolwa, mme bana ba fana ka maikutlo a bona ka sengolwa.

- Phetla pale eo ba tlang ho e bala. Bua ka ditshwantsho.
- Kopa bana ba nohe pale ka sehlooho le ditshwantsho.
- Pele ho balwa ba tsebise mantswe a thata paleng.
- Etsa dikarete tsa mantswe ho tsebisa tlotlontswe e ntjha.
- Bala pale, o sebedisa sefahleho le ho phahama ho fapaneng ha lenseswe. Sebedisa matsoho le sefahleho.
- Latela mongolo ha o ntse o bala ka ho supa ka rula kapa thupa mantswe hore bana ba bone seo o se balang le ho se amanya le medumo leqepheng. Sena se tla ba thusa le ho bona tsamaiso ya ho bala ho tloha ho le letshehadi ho isa ho le letona le ho tloha hodimo ho leba fatshe.
- Sebedisa sena e le monyetla wa ho ba tsebisa 'puo ya buka' jwaloka: mantswe, polelo, leqepheng, mongodi, sehlooho jl.
- Ha bana ba be le seabo paleng ka ho pheta dipolelo tse iphetang(mohlala: "Matha, matha, matha ka lebelo, o ke ke wa ntshwara- ke monna wa borotho ba kgemere!")
- Pale e le nngwe e balwe makgetlo a mabedi ho isa ho a mararo ho neha bana monyetla wa ho bina mantswe, ho tshwantshisa, le ho bolela pale ka mantswe a bona.

Mokgahlelo wa bobedi wa palo e kopanetsweng

- Mokgahlelong wa bobedi ho sebediswa sengolwa sona se sebedisitsweng pele feela kgatello e le ho baleng mme titjhere e sebedisa dipuisano tse teng ho hodisa tlotlontswe ya kutlwisiso, bokgoni ba ho rarolla le seboleho sa sengolwa (thuto-puo, matshwao a puo jl)
- Ho ho wena , titjhere ho tlisa bana ho tadimo e shebaneng le tse latelang: kgopolo ya ho ngola, seboleho sa sengolwa, medumo ya puo, seboleho sa puo, ditsela tsa ho kgetholla mantswe le kutlwisiso maemong a fapaneng (dipotso tsa puo- phara, ho hlopholla, ho akanya, ho sekaseka le kananelo)

Mokgahlelo wa boraro wa palo e kopanetsweng

- Mokgahlelong wa boraro wa palo e kopanetsweng, bana ba ipalle sengolwa ka bo bona mme ba etse mosebetsi wa molomo, ho etsa le ho ngola ho itshetlehileng sengolweng.
- Moo ho kgonehang, sengolwa sa Palo e Kopanetsweng se lebise ho Ho Ngola ho Kopanetsweng moo titjhere e bontshang ho ngola sengolwa mme bana ba qapa bongodi ba sengolwa ha titjhere e ba tataisa ebile e ngola seo ba se tjhong. Sena se thusa ho lokisetra bana mosebetsi wa ho ingolla mesebetsi ya bona.




Jwaloka titjhere o tla hloka ho rala le ho etsa tokiso ya mosebetsi wa palo e kopanetsweng le sehlopha sa hao. Ka tlwaelo ha titjhere e etsa palo e kopanetsweng, titjhere e sebetsa le bana bohole, empa ha sehlopha se le seholo haholo , ho molemo ho sebetsa le seholotshwana kapa karolo ya sehlopha. Ho hlokamelwe ho tiisa ho netefatsa hore bana ba dula mmoho mme ba bona Buka e Kgolo hore ba kgone ho bona se ngotsweng.

Nakong ya palo e kopanetsweng ya Buka e Kgolo bana ba ithuta ho tshwara buka, ho e tshwara ka mokgwa o nepahetseng,, ho phetla maqephe ka mokgwa o nepahetseng. E hodisa tsebo ya sethato ya tsebo ya buka- khabara, bokapele, bokamorao le sehlooho. E tataisa le kamoo tsela ya palo e etsahalang ka teng mme e bohlokwa bakeng sa tswelliso pele ya bana ya ho mamela, ho bua, ho bala, ho nahana, le ho rarolla mmoho le bokgoni ba ho ngola bo batlahalang ho CAPS:

- Ho hodisa bokgoni ba ho mamela le ho bua.
- Ho hodisa bokgoni bo hlathlang ba ho bala.
- Ho araba dipotso paleng.
- Ho taka kapa ho tshwantshisa pale.
- Ho sebedisa ditshwantsho ho noha hore pale e bua ka eng.
- Ho sebedisa palo e kopanetsweng e le motheo wa ho ngola ho arolelanwang.

1

Ben o fumana motswalle e motjha



Pam, Lebo le Ben ntja, ba a
ithapolla.


Kajeno Ben e sele.


E a baleha.

Pam le Lebo ba matha ka
mora yona.

"Kgutla Ben! Lebo o
a bitsa.







Ben e mathela leboteng le phakeng.

E nkga eng leboteng?

Na ke bolo e botala le bokgubedu?

Hau! Hau! Hau!



Pam o a botsa, "O fumane eng, Ben?"
Na ke lesapo le leholo?
E ka ba khouno?
Hau! Hau! Hau!


Pam le Lebo ba latela Ben ho
ya phakeng.

Kwaa! Kwaa! Kwaa!

Kgele! Ke ledinyane la letata
le lesehla.


Ledinyane la letata.

Bananyana ba tsamaya butle
ho ya ho ledinyane la letata
le lesehla.





"Na o lahlehile ledinyane la letata le
lesehla? Re o ise letangwaneng?"
ho rialo Pam.



Ben e qala ho
bohola. Hau! Hau! Hau!


"Tjhee Ben!" Se ka bohola ledinyane
la letata le lesehla." Ho rialo Lebo.

"Ledinyane la letata le lesehla le a
tshaba."

Pam le Lebo ba isa ledinyane la letata
letangwaneng.

"Ntatao le mmao ke bana" Bona
banabeno ba sesa ka letangwaneng"
ho rialo Pam.

Kwaa! Kwaa! Kwaa!



"Ekare re ka be re isa ledinyane la letata hae," ho realo Pam.

Ledinyane la letata le lesehla la sesetsa hole.

"Ke nahana hore ledinyane la letata le batla ho dula le lelapa la lona," ho rialo Lebo.


Kwaa! Kwaa! Kwaa!

Ben e bona ledinyane la letata le sesa ka letangwaneng.

Ben le yona e ipetsetsa ka letangwaneng.

Phaqa! Phaqa! Phaqa!





"Tjhee Ben! O ntja e seleng.
Etswa!" ho rialo Pam.
Ben ya tswa ka letangwaneng.

Ya itsokotsa hore e ome.

"Tjhee Ben! Jwale ke kolobile hohle.
Ha re ye hae" ho rialo
Lebo.

Ben ya sadisa
motswalle wa yona e
motjha.

Hau! Hau! Hau!

**Hlokomelang
diruuwa
tsa lona!**



2

Kamoo qwaha e fumaneng metsero kateng




Kgalekgale, diqwaha tsohle di ne di le
tshweu ka mmala.




Monghadi le Mofumahadi Qwaha ba
ne ba menngwe moketeng. Ba ne ba
batla ho shebahala ba kgethehile
yaba ba itshasa ka mebala e
kganyang.

Ba shebana yaba Mofumahadi.
Qwaha o re, "ka nnete ha re
shebahale re le batle!" Monghadi
Qwaha a dumela.



Monghadi Qwaha a nka qeto ya ho tshasa sefuba sa hae ka mmala o motsho, ha Mofumahadi Qwaha a tshasa maoto a hae ka botsho.

Empa le ha ho le jwalo, ba se ke ba rata kamoo ba shebahang kateng, jwale ba tlosa pente ka ho e hlatswa.







Jwale ba nka qeto ya ho tshasa
mmele ya bona yohle ka metsero e
metsho.

Ha ba qeta, ba shebana, ba rata seo
ba se boneng. "Jwale re shebahala re
le batle," ba rialo.

Ba tloha ho ya moketeng, ba ikutlwa
ba le motlotlo.





Ha Monghadi le Mofumahadi
Qwaha ba fihla moketeng,
diphoofolo tse ding di ne di
makaditswe ke kamoo ba
shebahalang kateng.

“Le shebahala le le batle” ha
rialo tlou.

“Le shebahala le le dipabala” ha
rialo kubu.


“Le shebahala le babatseha” ha
rialo tshukudu.

“Re leboha haholo.” Ha rialo
Monghadi le Mofumahadi
Qwaha. “Le rona re
rata metsero!”

Bohle moketeng ba ratile
metsero.

Mofumahadi. Thuhlo o
bolelletse Mofumahadi
Qwaha hore mela e ba
tshwanela e le ka nnete.






Le Morena Tau o ba bolelletse kamoo
ba leng batle kateng.



Morena Tau a eletsa ka hore diqwaha
tsohle di itake ka metsero e metsho.
Hobane tau e ne e le morena, diqwaha
tsa phetha taelo.

Ka mora matsatsi a mmalwa, diqwaha
tsa ya nokeng ho ya hlatswa metsero,
empa mela ya se ke ya tloha.


Ho etsahetseng? Letsatsi le ne le
tjheseditse mela mmeleng ya tsona.



Ho fihlela kajeno, diqwaha di hloleha ho hlatswa metsero ya tsona. Ke ka hoo diqwaha di nang le metsero e metsho.

Botle ba nnete bo pelong!





O amohelwa letotong le bitswang Buka e Kgolo. Buka e Kgolo ena ke karolo ya tse ding tsa Rainbow Series, tse kenyelletsang dibuka-tshebetso, pokello, dibuka tsa dihlopha le diphousetara. Re tshepa hore o tla fumana dipale tsa mafuta tse kenyelletseng dipaleng tse robedi tsa Buka e Kgolo kereiting ena, di le bohlokwa ho ruteng ha hao mme le hore bana ba tla natefelwa ke kamano ya bona le palo e kopanetsweng.

CAPS bakeng sa boemo bo qalang e hlakisa Palo e Kopanetsweng e le e nngwe ya dikarolo tsa bohlokwa tsa tsela ya ho bala. Palo e Kopanetsweng hangata e nka nako ya pakeng tsa matsatsi a mabedi le a mane bekeng mme ngwana e mong le e mong a bala sengolwa se le seng. Dibuka-tshebetso le dibuka tsa dihlopha di loketse sepho sena.

Le ha ho le jwalo, palo e kopanetsweng ho sebediswa Buka e Kgolo e ngotseng ka ditlhaku tse kgolo ke tsela e ntla ya palo e kopanetsweng hobane bana ba kgona ho bona mantswe le ditshwantsho, mme ba kgona ho latela ha ho ntse ho balwa jwaloka tsela e tlwaelehileng ya ho pheta dipale malapeng. Ho bohlokwa hore bana ba dule pela Buka e Kgolo hore ba bone le ho bala sengolwa. Ditlhaku tse kgolo tsa dibuka tse kgolo di nehelana ka bokgoni ba ho balla bana ba bang ka lenswe le hodimo ka nako e le nngwe ka boiketlo maemong a phutholohileng.


Dibuka tse kgolo letotong lena di tla hlahisa bana tsebong ya dipale tse fapaneng, dithothokiso, diraeme le dipapadi hammoho le tlhahiso le dingolwa tsa ditshwantsho.

Ke boikarabelo ba hao, o le titjhere, ho neha dipale bophelo baneng hore maemo a ho natefelwa le ho thaba a be teng. Tshebediso ya Buka e Kgolo e o neha bokgoni ba ho bopa kamano ya ketso ya ho bala ka tsela e natefelang wena mmoho le bana. Re tshepa hore buka ena e tla o thusa ho etsa sena.

Dikgopolole tse ding tsa ho sebedisa Buka e Kgolo

- Sebedisa polasetiki e hlakileng e le moalo hodima Buka e Kgolo. Ho tla thusa hore bana le titjhere ba ngole hodima polasetiki.
- Ngola hodima moaloo hlakileng ka pene e phumolehang.
- Sebedisa tlelipi e kgolo ho tshwarahanya moalo o hlakileng le buka e kgolo.

ISBN 978-1-4315-3041-0



ISBN 978-1-4315-3041-0

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Ikisetse seemisa sa Buka e Kgolo

O tla hloka:

- Khateboroto e nang le bophara bo lekanang le Buka e Kgolo e butsweng (594 mm) mme bolelel bo be makgetlo a 3 (1360 mm).
- Masking theipi.
- Ditlilipi kapa diphekese ho tshwara khateboroto mmoho.

Sebedisa masking theipi ho kopanya dikarolo tsa khateboroto.

Mena khateboroto ho etsa foreimi ya A mme o tsipelle bofatshe le sefahleho mmoho jwaloka ha ho bontshitswe setshwantshong se ka tlaase.

